

民國佛教期刊女獻集成


任繼愈題



民國佛教期刊文獻集成

任繼愈題

第 11 卷



大 雲
佛 音
新佛化旬刊

中國書店

第一號

大

第六十七期

雲

本社啓事

本社此次發行月刊即爲第一號係接旬刊第六十六期之後故復定爲第六十七期以下每期常依此累標

本社特別啓事

本社此次擴充月刊原擬照前旬刊辦法凡愛閱者祇收寄費不取報費以期普結法緣而廣宣傳詎所募得基金不敷尙鉅預計尙未能支持一載根柢未固必致等於曇花誠不足以饜閱者之望特宣言已久不得不趕先出版以爲徵信除於本刊另啓再請求熱心同志繼續廣爲募集外爰變通辦法暫時減少篇幅兼收印圖費以資維持而利周轉一俟基金有裕即常加意增進仍再贈閱以達同人等之初願還祈海內外 慈賢諸大居士有以曲諒苦衷共加扶掖俾得繼長增高久而彌光同人等有厚望焉

本社啓事

本刊擴充伊始同人等學理粗淺編制諸多缺點還望海內外 大善知識有以匡其不逮俾獲增進而臻完美是所望焉

本社啓事

本社同人學識淺陋歡迎社外投稿惟須與本刊所定體例相符來稿必繕寫正體排定行字不可潦草參差以省轉錄之勞且當予本社以筆削之權登與不登原稿恕不寄還若不願改削及必須還稿者請預先聲明

本社啓事

本社前曾編發募冊請求海內外佛學同志廣爲代募已將所收款冊各芳名陸續在本旬刊先後囑謝計未收者尚有二千餘處隨時再將代募諸公姓名於此期本刊內另登揭帖催繳除此所載數處外別無另派人在外募緣各界 慈善諸君倘願贊助請直接寄交本社出版部王蓮航君處掣取收據並隨時登入本刊誌謝以爲徵信恐生誤會特此啓告

祝辭

炎炎火宅

其饑甚熾

加以邪說

助其威勢

撥無因果

各謀自利

同室操戈

丁無顧忌

悲哉同胞

無所覆庇

縱欲出離

不知去處

爰有關士

特發慈悲

提倡佛法

以行救濟

譬如大雲

降注大雨

使彼烈燄

直下頓止

因果循環

備明其理

示利人者

正屬利己

俾知自心

與佛同體

一切衆生

皆宿父母

各宜扶持

如兄如弟

爭競消滅

禮讓興起

祝辭

進修淨業

普扇蓮風

生入聖域

漫登佛剎

唯冀此報

徧界流通

庶幾所祝

適得其宗

民國十五年丙寅夏初古辛常慚愧僧釋印光謹祝

世界娑婆

緣影塵障

喚醒沉迷

功德無量

妙哉大雲

佛光蕩漾

吹大法螺

今之龍象

氣如長虹

光燄萬丈

推行旬報

六十餘期

改爲月刊

欸項細支

多少旂檀

慷慨布施

巨欸斯集

遂定鴻規

徵材分科

煥如列眉

今初出版

風動一時

四海水立

九天雲垂

我佛加被

監茲在茲

對佛居士

遠隔析津

叨聞盛會

千里馳神

慨自末世

陷溺沉淪

五濁六欲

迷誤性真

狂淵孰拯

諸上善人

運廣長舌

現丈六身

同登極樂

花大如輪

奉勸世人

善自爲計

生死事大

切莫放棄

福田種福

慧業修慧

不使駒光

如流水逝

讀茲月刊

同同種智

往生西方

入不退地

爰爲祝曰

大雲大雲

日異月新

是金剛杵

是破魔軍

泛般若船

發海潮音

法界衆生

永戴佛恩

濟甯對覺居士敬祝

西曆仲春時年八十

二十世紀

烽煙漫壤

迄無甯歲

千古戰場

膏血原野

慘酷備嘗

孰主宰是

欲問穹蒼

惟茲大雲

我佛木鐸

振噴發響

有情同覺

濫觴少微

第十六福

八功德水

塵氛以濯

推行世界

自利利他

晨鐘暮鼓

喚醒南柯

爐香乍熱

奠此洪波

呪誦大悲

娑婆摩訶

千聲萬聲

牟尼八百

時日匆匆

白駒過隙

一心不亂

淨土自適

勿忘勿荒

蒲團朝夕

會稽寥廓

天姥雲橫

大哉我佛

無量光明

大雲覆冒

祈禱和平

阿彌陀佛

普度衆生

世界佛教居士林敬祝

大雲大雨

甘露降臨

維摩說法

天龍樂聽

見者聞者

同證無生

梵音妙曲

鬼伏神欽

閩南佛化新青年會同人祝

誰興大雲

普覆人天

如春之和

如月之明

如花之香

如蜜之甜

梵音傳來

是獲我心

踴躍三百

仰天狂吟

披雲錦裳

展五色箋

提琉璃筆

成白雪詞

恭祝福慧

無量長新

雲行雨施

品物咸亨

人生華界

全現佛身

中華全國佛化新青年會代表

張宗載
南達齋祝

娑婆世界

業海茫茫

解脫苦厄

厥惟佛化

大雲月刊

佛法是揚

修心之訣

修行之方

迷津之筏

彼岸之航

阿彌陀佛

功德無量

紹興警察局長瑞安薛瑞璜拜祝

娑婆世界

滄海橫流

干戈擾攘

無了無休

大雲月刊

驚人回頭

是廣長舌

是苦海舟

無錫金昌歌祝

時逢劫運

世道塵氛

雲興法雨

普覆大雲

巧歷算機

演名句文

增高繼長

民德斯君

海潮音月刊社同人敬祝

象教陵夷

獅弦歇絕

背覺合塵

衆苦是集

根本救治

厥惟醫王

阿伽陀藥

徧與清涼

偉哉大雲

蔚起越中

文字般若

振聵發聵

自出旬刊

於茲二載

宏化度生

宣揚中外

精進不已

著述是增

珠璣滿幅

巨秩告成

月出一編

示衆生路

覺道可循

迷津得渡

言言見諦

句句知宗

善巧方便

事理圓融

惟願流通

大千徧覆

同往蓮邦

覲無量壽

紹興佛學研究會長單謙敬祝

法阿伽陀

佛大醫王

兼僧和合

三德國彰

行解相資

藥病兩忘

歸歟衆生

握手蓮邦

涇縣陳曼祝

玄黃判質

聖哲叙倫

大道以啓

王路是遵

寢寐莫挽

治化非均

淳源涸俗

澆風露塵

愛河滔汨

孽海沈淪

羣生攸賴

惟王能仁

唱演六度

陶冶一真

景行遠躅

高軌傳人

象正既沒

教肆益辛

惟茲大雲

說法現身

代維梵網

度越迷津

幽健妙誦

日異月新

澤周萬物

雨潤三春

幸聆悖誨

毋負諄諄

紹興駱應璜敬祝

茫茫業海

生滅無常

醉心物質

競爭蹴踘

強食弱肉

天理淪亡

五欲彌熾

我孰未忘

沈沈慘幕

日逐蒼涼

爰覆大雲

作彼慈航

化被合靈

妙義薰芳

日新又新

長夜明光

文字觀照

性德彌彰

一音既唱

真諦宏揚

維摩示法

衆妙康莊

馨香禱祝

精進無疆

紹興駱肅平敬祝

本月刊編輯體例

(一) 論說。本我佛大慈普度之旨。專發揮解決世出世法重要問題。與改進家國。及宏揚佛化。普利人羣各主義。

(二) 著述。凡關於佛學各經論。及各宗要義之闡揚者。

(三) 文苑。序跋、傳記、碑銘、詩詞、歌偈等之有關佛化者。

(四) 事紀。凡關於現世因果。及近賢修證。或奇異事蹟之足資佛理研究者。

(五) 宏護。海內外關於提倡佛化。擁護三寶之各事實人之。

(六) 融通。凡與佛理相通。無論何種學說。均得分別取去。互相引證。以廣化導。

(七) 慈濟。勸導戒殺放生。奉行衆善。及各團體舉行放生。興辦各種善舉。有足稱

述者。咸歸此類。

(八)衛生。菩薩度生首重五明。進德修業。端賴色身。凡關於衛生健康。調護疾病。與簡效急救各種單方。及防疫諸法。均入之。

(九)評議。凡時事之有礙於佛化推行。及局外妄肆譏嫌。得加以持平之評議。以資擁護。

(十)通訊。海內外宏化機關。及慈善團體。或由個人互函往還。凡有關佛化。不涉私事者。入之。

(十一)雜纂。若遊記。若讀書錄。及研究所得之零金碎玉。凡無所歸類者。入之。

(十二)附錄。凡本社集會記事。及各種特載。隨時入之。

以上十二類。不拘語體文言。皆歡迎投稿。但稿字必請筆畫清楚。勿寫潦草。每行以三十二字爲准。俾易於排印校勘。一經登載。當將本刊奉贈。其有長篇巨製。再當加酬佛學書籍。以答雅誼。

大雲月刊募集基金啓

猿猴進化。人禽斯判。彝倫攸叙。言教是崇。家喻戶曉。聖人猶病。始制文字。化洽蠻荒。觀照以起。實相乃證。其在內教。曰三般若。惟民因教立。道由人傳。消長之機。邪正判焉。擿埴索塗。同陷於淖。世變民弊。良足悲已。溯自賢聖不作。正教式微。慧光隱曜。異喙爭鳴。歐化東漸。科學代興。機械日新。工於殺人。貧富懸絕。大亂之媒。社會均產。乘機竊發。勞工神聖。抑而後起。帝國主義。好鴛侵略。進化論主。競煽其風。播爲聲教。日獎鬭爭。文明之母。厥唯學說。毒中人心。變亂靡窮。懸想天國。宗教所尊。聽命上帝。亦等專橫。哲學家言。迷離惛慌。情識所至。遂起能所。儒宗淡泊。首嚴義利。迷於苦樂。何繫人心。自由解放。舛理乖倫。獸慾文明。漫不知恥。凡諸邪說。咸墮斷常。高尚生活。務熾我執。偏於常見。逐物恣睢。意識錯覺。或病悲觀。偏於斷見。猶無因果。極其流弊。敢

於一逞。奧德之戰。海水羣飛。回首邦國。鐵血方殷。溺此不返。人類胡存。雨雪之霰。於斯形朕。魔外乘間。亦思簪弄。心外取法。自障正覺。牛鬼蛇神。無所不呈。引朋嚮侶。妄談接度。昌言同源。淆訛朱紫。謗法誣聖。同陷王難。自非慧眼。鮮不盲從。哀茲衆庶。末由振拔。興言救世。端賴佛化。行無緣慈。悟真空理。四相不生。爭競誰起。萬法唯識。因果齊彰。圓歸一心。不取不捨。教綱宏張。隨類向化。高邁羣教。利無不收。廣大圓滿。蔑以加矣。同人等本此悲懷。自忘謏陋。集社講學。以出旬刊。高樹法幢。俾端趨向。摧邪顯正。力挽頹風。拮拘流通。將垂兩載。薄海內外。同志咸稱。益加奮勵。冀進月刊。擴充篇幅。以廣法施。限於資力。基本尙虛。原始要終。仰賴集腋。用呼將伯。從事唱緣。所望熱心世道。慈善長者。慨布囊金。共襄勝舉。兼出身手。廣爲集成。既揚佛化。復濟羣倫。檀度宏修。福因具足。自他等度。莫此爲良。敢塵

慧照。毋辜神瞻。謹啓。

論說



求治芻議

駱季和

人性含染淨二分。各隨其因緣相激發。吾儕既以多生染分所成之業識。復稟父母情欲之氣而生。且更自幼至長。以染引染。相習相尙。鮮有以善法薰陶洗濯於其最初之時。致本具之良知久已汨沒而不易顯露。以其習熟難忘。故遇善則爲之維艱。因循坐廢。以其重處偏墜。故遇惡則情殷樂欲。逐境心生。水流濕。火就燥。同氣之感。自然而應。所從來者遠矣。成唯識論列舉五十一心所有法。善者僅居十一。即可知人之易於趨惡。而樂善者之不數數見也。自達爾文物競天擇之說倡。人心爲之一變。不數年而演成莫大之戰禍。歐風東漸。舉國若狂。推波助瀾。方興未艾。此無他。契其染惡之機。逗其逐欲之習故也。嗟乎。賢聖不作。道義淪亡。以放縱爲開通。以奢侈